



БЛАГОВЪСТНИК

РОЧНИК VII. * ЧИСЛО 11. * НОВЕМБЕР 1927.

ОТВЪЧАТЕЛЬНЫЙ РЕДАКТОР: О. ЕМИЛІЯН БОКШАЙ

СОДЕРЖАНІЕ:

Ходїмъ до жерела житя вѣчного!
— Де знайти правду? — Чого они
хотять? — Всѣ подъ прaporъ свят.

Йосафата. — Тerezia Neumanova. —
Новости. — Благодареніе. — Пере-
писка редакції.

ВЫДАЕ ВЫДАВНИЦТВО ЧИНА СВ. ВАСИЛІЯ ВЕЛИКОГО УЖГОРОДЪ
из книгопечатни О. ВАСИЛІЯН в УЖГОРОДЪ, ул. РАКОВЦЯ ЧИСЛО 54.

Выдавництво Чина св. Василія Великого въ Ужгородѣ

поручає слѣдуючъ книжки своєго изданія:

Молитвеникъ для греко-каеолицкого руського народу. Составиль о. Петро Котовичъ ЧСВВ. стор. 507. Изд. II.

Содержаніе сеѧ книжки: Короткій катехизъ; Молитви повседневніи; Молитви утреніи, Молитви вечерніи, Молитви подчасъ Службы Божоѣ, Приготовленіе до св. Сповѣди, Молитви передъ и по Сповѣди, Молитви передъ и по св. Причастію, Молитви до пресв. Сердца Іисусового, Молитви до Пречистої Дѣви Марії, Молитви до святыхъ. Чинъ Утрени, Божественная Литургія, Чинъ Вечерни. Акафистъ до І. Христа, Акафистъ до Преч. Дѣвы Марії, Тропари воскресніи и повседневніи, Служба на всякое прошеніе, о усопшихъ, Тропари и Кондаки св. Четыредесятницы, Пятьдесятницы и всѣхъ праздниковъ декретальныхъ. Кроме сего е: Пѣснь на Рождество Христове, Пѣснь въ честь св. Тройцѣ, Пѣснь въ честь Преч. Дѣвы и св. отца Николая, Пѣснь благодарственная, Календарь цѣлого року и Пасхалия.

Оправлений въ полотно стоитъ 7 Кч, зъ почтовою засылкою 7·80 Кч.

Да святится Имя Твое. Молитвословъ для молодежи. Стор. 232. Печатаный окремъшно руськими а окремъшно латин. буквами.

Содержаніе: Короткій катехизъ. Молитви повседневніи, утренніи, вечерніи, подчасъ Службы Божоѣ, передъ и по сповѣди, передъ и по св. Причастію, до Пресв. Сердца Іисуса, до Преч. Дѣвы Маріи и до св. Іосифа; Чинъ Вечерни, Утрени, Божественная Литургія, Тропари и Кондаки воскресніи, на всякое прошеніе и о усопшихъ; Пѣснь на Рождество Христове, въ честь Пресв. Тройцѣ, къ Пресв. Дѣвѣ Маріи и въ честь св. Отца Николая.

Оправлений коштує 4 Кч, зъ почтовою засылкою 4·60 Кч.

Молебень къ Святѣйшому Сердцу Іисуса и къ Пр. Дѣвѣ Маріи.

Содержить кромѣ двохъ молебновъ, дасколько пѣсней къ Пресв. Сердцу Іисуса и Преч. Дѣвѣ Маріи и Пѣснь благальну (супликацію). Печатана окремо руськими, а окремо латинскими буквами. Стор. 44. Стоитъ 80 гел., зъ поштою 1 Кч.

Найсвятѣйшое Сердце Спасителя. Коротка наука для членовъ общества Святѣйшаго Сердца Г. Іисуса Христа. Сторонъ 64.

Содержаніе: Исторія набожности до Пресв. Сердца Іисуса и ласки, которыя Іисусъ пріобѣцявъ почитателямъ Пресв. Сердца. Повинности для членовъ сего общества. Дасколько молитовъ къ Пресв. Сердцу Іисуса. Молебень къ Пресв. Сердцу Іисуса. Пѣсня благальна (супликація). Золота корунка къ П. С. Іисуса. Дасколько пѣсней къ П. С. Іисуса. Прочто почитаеме П. Сердце Іисуса? Печатана окремо руською, а окремо латинською азбукою.

Стоитъ 1·50 Кч, зъ почтовою засылкою 1·70 Кч.

Популярнѣ катехитичнѣ проповѣди для католицкого народу. Часть I. Про вѣру. Часть II. Про надію и любовь. Кожда часть творить окрему книжку. Темы проповѣдей дуже актуальнѣ.

Цѣна по 20 Кч за одинъ прим., зъ поштою по 21·80 Кч.

Стойте въ вѣрѣ. Листъ I. Про походженя св. Духа отъ Отца и Сына, стор. 7. Листъ II. Оборона чести П. Дѣвы Маріи, стор. 7.

Цѣна обохъ брошуръ разомъ 60 гел., зъ почт. засылкою 80 гел.

БЛАГОВѢСТНИКъ

духовна газета для подкарпатскихъ русиновъ

Выходитъ 1-го кождого мѣсяця.

Адреса

Редакціѣ, администраціѣ и експедиціѣ:
Видавництво Чина св. Василія Великого
въ Ужгородѣ, улиця Раковци число 54.

Предплата:

Въ Республіцѣ на цѣлый рокъ 10 Кч.,
за границю 17 Кч. — До Америки 0·50 (половъ) дол.
Одно число „Благовѣстника“ стоить 1 Кч.

РОЧНИКЪ VII.

ЧИСЛО 11.

НОВЕМБЕРЪ 1927.

Ходѣмъ до жерела житя вѣчнаго!

(Мѣсячное намѣренія).

Въ душахъ народовъ глубоко засѣплео жіе желаніе: мати Бога чувствительнымъ способомъ. У давныхъ египтянъ, у старыхъ вавилонскихъ народовъ постоянное было переконанія, что божество притомное есть на головномъ олтарѣ. Германы въ святыхъ гаяхъ и лугахъ, въ шумѣ дубовъ слухали слова бога Водана; Іегова жидовъ, где въ горючомъ корчѣ, где же въ ведучой свѣтлой хмарѣ, где же въ святынѣ храма перебывавъ. Думка „Съ нами Богъ“, „Елманвиликъ“ есть основою каждой религії, есть желаніе невыгасающее природы людской и доки лишь чоловѣкъ буде жити на свѣтѣ — все буде глядати Бога живучего межи людьми.

Воплощеніе мысли „Съ нами Богъ“ у насъ у христіянъ есть: Тайна Евхаристії, где подъ видомъ хлѣба и вина присутный есть Христосъ, на земли перебывающей Богъ.

Кто причащається, той стане участникомъ тоѣ великої ласки, якоѣ участникомъ бывъ Мойсей на горѣ Горевъ, якъ Іаковъ, кому въ снѣ появився Богъ, въ якоѣ св. Симеонъ старецъ, кто на обятіяхъ, на рукахъ могъ держати воплощеного Сына Божого. И еще большоѣ. Бо они лишь выдѣли, чули, доткнулися его — а мы душевно-тѣлесно соединяемся съ нимъ, якъ онъ самъ упевнить насъ о томъ: „Ійдай мою плоть и пій мою кровь, въ мнѣ преъикаетъ и азъ къ немъ“. Велика ся ласка и не дивно, что коли св. Мати Церковь насъ удостоить на се, сесѣ поважнѣ слова подае

въ уста священика: „Екъ страхомъ Божіемъ и съ крѣю приступите“.

„Екъ страхомъ...“, бо Богъ то, кого мы принимаеме! Не е коли туй счислити всѣ доказы изъ Евангелія и св. Преданія, котрѣ свѣдчили бы, что виды Евхаристіѣ покрываютъ Бога, лишь отзываюся коротко на слова Христа: „Е азъ съ вами вѣдѣ, до скончанія вѣка“.

„Азъ если хлѣбъ животній, спіедай съ некесе“. Лишь коротко укажу на тотъ фактъ, что христіяне одѣ тайно вecheri все такъ дивилися на Евхаристію, якъ въ котрой Всемогущій Богъ перебывае. Укажу на то, что черезъ довгѣ столѣтія всѣ роды мистецтва: архитектура, малярство, скульптура майже исключительно на то служили, чтобы чимъ достойнѣйшое мѣстоперебываніе збудовати для Бога, на земли присутнаго. Заслоны Евхаристіѣ скрываютъ Бога! Того Бога, кого заразъ при рождествѣ царь умоляли, того, кому туй на земли всѣ элементы неба и земли повиновалися, того, на чie слово утихла буря, и утихомирилося море, кто перемѣнивъ воду въ вино, кто глухихъ, нѣмыхъ, хромыхъ, слѣпыхъ выздоровивъ, кто доказавъ, что онъ есть паномъ и надъ смертю, бо годенъ бывъ изъ мертвыхъ воскресити юношу Наимскаго, доньку Яира и четверодневного умерця Лазаря. О котромъ знаеме, что и въ самомъ собѣ побѣдивъ смерть, бо воскресъ изъ мертвыхъ, и вѣруеме, знаеме что на конци свѣта прииде „сдити живыхъ и мертвыхъ и его царствію не вѣдетъ конца“. Передъ симъ всемогущимъ Богомъ, коли приступиме до причастія „всякую нынѣ одложимъ печаль, яко да царя всѣхъ принимаеме, кого невидимо окружаютъ ангельскѣ чины“.

Но не только „съ страхомъ“, но и „съ крѣю“, зъ любовію, зъ довѣріемъ маеме приступити къ нему. Тадъ мы не изъ нашоѣ волѣ ступиме спредъ его страшный престолъ, но онъ кличе насъ, онъ силуе насъ: „Приймите, гадите...“, на вѣть онъ прикаже: „Яще не ѡсте плоти Сына человѣческаго и не піете крови его, живота не имате въ сеѧ...“ И якъ бы сме не пошли до Него, коли такъ мило кличе насъ: „Прийдите къ мнѣ кѣ тѣ рѣждающіи и обремененніи и азъ огнокою вѣсть“. Якъ бы сме не ишли до Него, о котромъ знаеме, что никого не откидавъ одѣ себѣ, кто и зрадника Юду поцѣловавъ, якъ бы сме не сто-

яли смѣло на томъ страшномъ мѣстѣ, коли онъ самъ научивъ насъ на то, что Богъ не есть грознымъ Господемъ, но маєме право до него отзыватися: *Отче нашъ!*

Про св. Амброзія говорить одна богоїна легенда, что коли разъ въ осени ходивъ въ лѣсъ, дуже утомився, приперся до одного дерева. Дерево другого дня почало розвиватися, зеленѣти и цвисти. Се есть только легенда. Но кто къ св. Причащенію зъ вѣрою и страхомъ приступає, тотъ одѣ Христа дѣйстно получить новое житя. Зато пришовъ и Христосъ, чтобы животъ давъ. Св. Причащеніе же есть источникомъ сего Христового житя.

Розмышляйте надъ симъ: „съ страхомъ и съ вѣрою“, се буде добрымъ приготовленіемъ до достойного принятія св. Тайни Евхаристії.

Мѣсячное намѣреніе на новемберъ: Чтобы христіянска молодежь чимъ частѣйше приступала до св. Причащенія.

Де знайти правду?

Написавъ свящ.: ТЕОДОЗІЙ ЛЕЖОГУБСКІЙ.

(Продовження).

— Одѣ самого початку было звычаемъ въ Христової Церкви во всѣхъ важныхъ дѣлахъ глядати рѣшенія у епископа Риму. До римского папы Климентія, третього наслѣдника св. Петра, звертається коринїска Церковь о рѣшеніе споровъ, котрѣ тогди повстали въ Коринѣ, хотяй тогди живъ еще въ Ефезѣ св. апостоль и Евангельть Іоаннъ. Изъ Коринѣу до Ефезу не є дня дороги, межи тимъ до Риму больше якъ тиждень. Чомуже коринїска Церковь удавалася въ свое мѣсто дѣлѣ до Риму, а не до св. Іоанна? Тому, что епископъ Риму бывъ Головою Церкви, а св. Іоаннъ, хотяй бывъ найбольше любленымъ ученикомъ Спасителя, но Головою Церкви не бывъ и не мавъ права розрѣшати споровъ въ чужої Церкви.

— О сто лѣтъ позднѣйше, коли межи азійскими епископами наставъ споръ о святкованія свята Воскресенія, односяться незгодники до епископа Риму, св. Виктора. Сей розрѣшивъ справу, а коли да котрѣ не хотѣли послухати, погрозивъ имъ выключеніемъ изъ Христової Церкви, и никто не заперечивъ ему сего права. Слѣдує, что признавали его Головою Церкви.

— Еретики, котрѣ повстали въ первыхъ вѣкахъ христіянства, завсе спѣшили до Риму, чтобы оправдатися, бо знали, что Римскій епископъ есть Головою Церкви и коли онъ признае ихъ науку доброю, то признае єї цѣла Церковь.

— Примѣромъ най буде еретикъ Несторій (его и россійска Церковь уважає еретикомъ), кто учивъ, что Пречистоѣ Дѣви Маріѣ не можна называть Богородицею. Коли обвинено его о ереси, онъ пославъ свои проповѣди до папы Целестина, чтобы оправдатися, что онъ не учивъ ереси. Папа провѣривши его науку, повѣдомивъ его, что если до 10 дней не одкличе своеѣ ложної науки, тогда выключить его изъ Церкви. Хотя Несторій бывъ архиепископомъ Царгорода! Зводки римскій епископъ мавъ бы право выключовати изъ Церкви, наколи не бывъ Головою Церкви? Что больше? Папа Целестинъ не то, что выключивъ изъ Церкви Несторія, але навѣть принялъ назадъ до Христовоѣ Церкви тихъ священниковъ, которыхъ Несторій якъ архіепископъ, выключивъ изъ своеї (царгородскої) Церкви за то, что они не хотѣли згодитися зъ его ложною наукою.

— Папы римскѣ изъ самого початку мали право рѣшати въ дѣлахъ вѣры, якъ Головы Церкви, але такожъ карати тыхъ, котрѣ ихъ не слухали. Папа Викторъ I., котрый живъ при конци другого вѣка выключивъ изъ Церкви дасколько епископовъ за то, что не годили ся въ науцѣ зъ нимъ, якъ зъ Головою Церкви.

— То саме видиме и въ слѣдуючихъ вѣкахъ. Коли въ третомъ столѣтію карѳагинскій епископъ Агрипинъ почавъ наново крестити тыхъ, котрѣ изъ ереси вертали до Христовоѣ Церкви, тогды папа Стефанъ написавъ до него письмо, въ якомъ приказавъ, что еретиковъ не треба наново крестити, бо они е важно окрещенї. И епископъ сейчасъ послухавъ сего приказу.

— Сей папа Стефанъ почавъ перший называтися „епископомъ епископовъ“ и никто противъ сего не повставъ, бо всѣ вѣрили, что онъ е наслѣдникомъ св. Петра, кому Христостъ поручивъ пасти не лишь ягнятъ (вѣрныхъ) але и овцѣ (епископовъ). Сего папу признае святымъ такожъ греческа и россійска Церковь.

— Папа Юлій видавъ приказъ, чтобы всѣ споры въ справахъ вѣры предкладалися ему до рѣшеня. Сей приказъ принялъ цѣла Церковь и греческа и римска. До сего папы спѣшить о ратунокъ передъ аріянами св. Аѳанасій великий, патріархъ александрійскій.

— Навѣть грѣческѣ цѣсарѣ признавали римского папу видимымъ Головою Церкви, якъ се видно изъ того, что цѣсарь Авреліанъ признавъ тыхъ правовѣрными, якъ годилися въ науцѣ зъ римскимъ папою.

— Въ четвертомъ вѣцѣ выконувавъ епископъ римскій таку власть надъ цѣлою Церквою, что кождый митрополитъ їздивъ до Риму, чтобы зъ его рукъ одержати одзнаку своеї власти. Безъ згоды папы не вольно было поставляти епископовъ.

— Ци потреба большого доказу, что папы бывали дѣйстно Головами Церкви?

Наука вселенскихъ соборовъ.

— Та не только поодинокъ Отцы Церкви, але и цѣлѣ соборы признавали римского папу видимымъ Головою Церкви и то соборы,

якъ и вы, члены россійскоѣ Церкви, признаете вселенскими — отже непомыльными.

— Коли на четвертомъ вселенскомъ соборѣ въ Халкедонѣ однитали письмо неприсутнаго папы Льва I. до Флавіана (патріарха царгородскаго), тогды Отцы собора одноголосно сказали, что такъ е, якъ пише Левъ, бо „Петро говорить устами Льва“. Того папу называть россійска Церковь у своихъ пѣсняхъ церковныхъ величае Головою Церкви та называе Предсѣдателемъ Патріарховъ.

— На VI. вселенскомъ соборѣ называютъ Отцы Церкви папу „блаженнымъ и апостольскимъ епископомъ мѣста Риму, Головою всѣхъ Церквей“. Въ томъ самомъ часѣ пише св. Петро Хризологъ до еретика Евтихія: „Кажу тебѣ, чтобы ты у всѣмъ бывъ послушный блаженному епископови Риму, бо св. Петро, кто живе и сидить на римскомъ престолѣ, поучаетъ всѣхъ про правду“.

Доказы изъ богослужебныхъ книгъ.

— Загляньте въ россійскѣ богослужебныѣ книги, что тамъ говориться про папу Сильвестра подъ днемъ 2. января, про папу Гиполита, подъ днемъ 30. января, про папу Льва, подъ днемъ 18. февраля, про папу Григорія Двоеслова, подъ днемъ 12. марта, про папу Климента, подъ днемъ 25. новембра и про иншихъ. Тамъ, въ похвальныхъ пѣсняхъ, признаютъ всюды Головами Церкви. Примѣромъ, про папу Сильвестра читаеме въ Минеѣ: „Верховникъ явился еси священнаго собора“. Съ слова россійскѣ Минеѣ е дуже цѣнѣнъ, бо въ нихъ называется папу Сильвестра головою собора, хоть на соборѣ проводивъ въ его заступствѣ Осія епископъ.

— А кто складавъ сѣ пѣснѣ, якъ не стариннѣ греческѣ Отцы Церкви? Тожъ видите, что не лишь каѳолики, але и Греки та Россіяне признавали ихъ Головами Церкви, та моляться до нихъ. Въ Минеї выданой въ Москвѣ, читаеме пѣснь въ честь папы св. Льва: „Ты учителемъ православія, наследникомъ найвышшаго престола св. Петра, Головою Христової Церкви, стовпомъ православія; Ты украшеный его начальною властію, замкнувъ усга еретикамъ“.

— Тому то великій россійскій ученый Соловьевъ пише: „Якъ Петро мавъ верховну власть надъ всекенскою Церквою, такъ и римскій епископъ, кто займае престолъ св. Петра, е нынѣ представителемъ сеѧ власти“.

— Папу Григорія I. Великого, кого Церковь называе Двоесловомъ, сего, кто уложивъ Литургію Преждеосвященныхъ, греческа Церковь до нынѣ называе: „Первопрестольникомъ Церкви и наследникомъ св. Петра“.

— Тутъ мимо волѣ приходить менѣ на гадку одна рѣчъ. Паны римскѣ, памятаючи на слова Христа, что слуга не смѣе быти большимъ одѣ своего пана, называютъ себе: „Слугами слугъ Божихъ“, а греческій патріархъ царгородскій прибирае гордій титулъ: „Патріархъ цѣлого свѣта“, якъ бы поза Царгородомъ вже не было свѣта.

— Еще дивнѣйше велить себе называть восточный патріархъ

въ Александріи, кто подъ своею властю не мае больше, якъ 14.000 христіянъ. Онъ называе себе: „Судією цѣлого свѣта и тринаццятимъ апостоломъ“. Ажъ смѣхъ бере чоловѣка и Богъ вѣсть якѣ гадки приходить на думку: „Тринаццятый апостолъ“! На чіе мѣсто?

— А теперь зрозумѣете, что назва: „Святѣйшій Отець“ не означуе зовсѣмъ, что папа є святымъ, а только є почесною назвою, титуломъ, якій ему надають вѣрники, подобно якъ мы неразъ называемъ „благороднымъ“ чоловѣка, хоћь онъ зовсѣмъ не родиться (не походить) зъ благородної (славної) родини.

— Не дивуйтесь, что мы, гр.-каѳолики, свого Голову называеме „Святѣйшій Отець“! Ци россійска Церковь не каже, что нею управляе „Святѣйшій Синодъ“, а однакожъ не вѣрить, что его члены суть святыми. Певно, что, кто якъ кто, а папа повиненъ быти святымъ, але чтожъ? Христосъ поставивъ Головою Церкви не ангела, а немочного, слабого чоловѣка, якого тягне до грѣха такъ само, якъ нась. Было дуже велике число папъ дѣйстно святыхъ, якихъ греческа та россійска Церковь признае Святыми, але были и грѣшнѣ, были навѣть дуже грѣшнѣ. И не дивно. Межи 12-ма апостолами бывъ Юда, а межи повтретя сотками папъ не мало бы быти грѣшниковъ?!

Непомыльность папы.

— А чому вы, гр.-каѳолики, выражо кажете, что папа є непогрѣшимый, значиться, не може згрѣшити — перервавъ хворый.

— Якъ разъ то бѣда, что вы часто подсуваете гр.-каѳоликамъ такѣ рѣчи, про якѣ они анѣ не думають — говоривъ дальше о. Петро. — „Непогрѣшимый“ не значить, что папа не може згрѣшити, а только, что папа въ науцѣ Христової не може помылитися.

— Самъ Христосъ сказавъ до св. Петра, якъ читаеме у св. Евангелиста Луки: „Симоне, Симоне, се сатана просить васъ дабы склонилъ тѧко пшеницѧ. Ізъ же молихся о тебѣ, да не обскрѣбеть кѣратво: и ты нѣкогда обращалъ оутвердї братїю твою“. (Симоне, Симоне, отсе сатана просить, чтобы разсыпавъ васъ якъ пшеницию, але я молився за тебе, чтобы твоя вѣра не змалѣла и ты колисьто навернувшись, утверждуй своихъ братовъ). (Лук. XXII, 31—32). А ци не змалѣла бы вѣра св. Петра, колибѣ онъ въ Христової науцѣ попавъ въ блудъ? Ци могъ бы онъ утверждовать въ вѣрѣ навѣть своихъ братовъ-апостоловъ, коли бы самъ захитався въ вѣрѣ? А сѣ слова односяться не лишь до св. Петра, бо Христосъ основавъ Церковь не лишь для апостоловъ та тыхъ людей, котрѣ жили ровночасно зъ ними, а для всѣхъ, и тому власть та даръ, якій давъ св. Петрови давъ не только ему самому, а такожъ и всѣмъ его наслѣдникамъ, значиться римскимъ папамъ. Не лишь за св. Петра молився Христосъ, чтобы не змалѣла его вѣра, а за всѣхъ Головъ Церкви, якѣ будуть до конця свѣта.

— Сими словами каже Іисусъ Христосъ не лишь, что вѣра Головъ Церкви нѣколи не „змалѣє“, але навѣть, что хотыбы „братья“,

т. есть епископы, попали въ блуды, то Головы Церкви будуть ихъ въ правдивоѣ вѣрѣ поддержовати. А ци могъ бы папа утверждовати въ вѣрѣ иншихъ братовъ-епископовъ, коли бы самъ хитався (блудивъ) въ ней?

— Ци не такъ е и въ людскомъ тѣлѣ? А Церковь по словамъ Христа, ци не е Его тѣломъ, а вѣрники ци не суть его членами? Бывае, что одинъ або другій членъ людскаго тѣла одпаде, згине, а человѣкъ всетаки буде жити, буде человѣкомъ. А ци бывъ бы онъ человѣкомъ, ци могъ бы онъ жити, коли бы одпала голова? Нѣть! Онъ тогда трупъ! Тожъ и Христова Церковь не могла бы жити, мусѣла бы пропасти, коли бы Голова одпавъ одъ правдивоѣ вѣры.

— А якъ дуже залежало Христови на томъ, чтобы Его вѣрники знали про се, что Голова Церкви не може одпасти одъ правдивоѣ вѣры, значиться, что не може помылитися въ науцѣ вѣры и обычайовъ, видно хоть бы изъ сего, что не одинъ разъ пріобѣзюе св. Петрови и его наслѣдникамъ даръ непомильности. Бо еще коло Кесаріѣ Филиповоѣ сказавъ Христосъ, что Петро буде каменемъ, подвалиною Церкви. Может подвалина хаты захитатися, а хата не завалитися? Нѣть! Тому, коли захитаesя подвалина, розвалиться цѣла Церковь. Коли бы Голова Церкви, якій е єѣ подвалиною, захитався въ вѣрѣ, тогда пропала бы цѣла Церковь, цѣла Христова наука, цѣле Его дѣло одкупленія.

— А слова, якими Христосъ поставивъ св. Петра Головою Церкви: „Паси моѣ овци, паси моѣ ягнят“! Якій бы то бывъ пастырь, колибы своѣ овци та ягнят провадивъ на таку пашу, яка моглабы имъ зашкодити? Якій бы то бывъ Голова Церкви, коли бы своимъ вѣрнымъ подававъ духовый кормъ (науку), въ якомъ была бы отруя ложѣ, блуду? Се не бывъ бы пастырь а розбойникъ, что повбивавъ бы свої овци. Ци могъ Христосъ позволити то, чтобы Его великое дѣло спасенія знищивъ „пастырь“, та завѣвъ вѣрныхъ на элу „пашу“, — подавъ вѣрнымъ науку, въ якой они знайшли бы отрую ложи, блуду?

— Зато св. Церковь на послѣдномъ вселенскомъ соборѣ, что одбывся въ Ватиканѣ, въ Римѣ, въ р. 1870, оголосила догмою, т. е. правою, въ яку мусять вѣрити всѣ правдивѣ христіяне, что римскій папа, коли, сповнюючи чинъ (урядъ) Пастыря и Учителя всѣхъ христіянъ, своею найвысшою, апостольскою повагою, выскажуе науку вѣры або обычайовъ, котру повинна держати цѣла Церковь, має той самъ даръ непомыльности, якимъ Божественный Спаситель надѣливъ свою Церковь въ науцѣ вѣры и обычайовъ. (Продовження слѣдуе).

Чого они хотять?

Комунистична „Карпатська Правда“ въ сегорочномъ 41. числѣ помѣстила статю посла товаришки Ландов-Штиховоѣ, въ которой показує комунізмъ свої поганѣ роги. Посоль товаришка завезыває всѣхъ Русинокъ Подкарпатской Руси до організації въ цѣли полѣн-

шения незавидноѣ долѣ роботничихъ верствъ. При томъ однache сказала и дачто такое, изъ чого можеме упознати, что кryеся на днѣ комунизмомъ пересиченоѣ души. Въ спомянутой статѣ хвалить она и поручаете нашимъ жонамъ и дѣвкамъ:

1. *Добровольное материнство*, або сказавше иначе свободну, песячу любовь. По еѣ рецептѣ кажда женщина може поза межами правного супружества (малженства) хоть изъ кимъ творити тѣлесный грѣхъ. Честна жона супруга нѣчимъ не лѣпша одѣ послѣдноѣ блудницѣ и чужоложницѣ. Они всѣ мають тѣшитися одинаковыми правами.

2. Злобиться тоже посолъ товаришко на законы, котрѣ забороняютъ догнання людскаго плода и за него караютъ. Апостолка комунизма завзывае, чтобы женщины пожадали абы сякѣ законы были скасованѣ, чтобы отже *кажда тяжка женщина могла безкарно убивати свою родну дитину, заки она народиться*.

Ось такѣ то мудрошѣ выйшли изъ сердця комунистичноѣ товаришки. Соромъ обливае лице твое, коли такое чуешь изъ усть жоны а може и матери. Она не ганьбиться явно захвалювати то, что прямо противиться выразнымъ приписамъ Божимъ и здоровому разумови, что отже грѣшное и мерзкое въ очахъ Божихъ. Такое могла написати лише жона, въ которой головѣ не е разума, въ сердци нестало ганьбы, а въ души ни вѣры въ Бога, ни любви, ни страху Божого.

Абы много изъ вами, посолъ товаришко, не спорити, то скажу вамъ лише се, что захваливанѣ вами методы не лишь не принесуть гаразду и добробыту вамъ женшинамъ, але противно копаютъ подъ вашими ногами пропасть и загибелъ душевну а и дочасну.

Едность и нерозрывность супружества (малженства) се найлѣпша охорона жоны, се и зарука громадского гаразду. Сего пожадае и природный законъ и выразный розказъ Божій. Якій рай для жоны есть въ Совѣтской Россіѣ, где подоптали сей основный законъ спольного ладу, можете упознати изъ случая, про котрый пишуть „Ізвѣстія“ и „Правда“ изъ 13. III. 1927., где одинъ комунистъ оживився постепенно изъ 118 дѣвками и всѣхъ ихъ лишивъ ихъ властной судьбѣ! Жона на свободной любви всегда найгорше выходить. Саме нерозрывность супружества боронить жону передъ самоволею чоловѣка.

Поручованое вами „право на добровольное материнство“ поза межами правного супружества се шестою заповѣдею Божою забороненый грѣхъ нечистый. Чужолество, проституція — памятайте товаришко — не е ни окрасою ни честію для женщины, а на народы ци державы наводить цѣль хмары всякого лиха, котрѣ гнетуть ихъ тяжкимъ камѣнямъ и не дозволяють имъ якъ слѣдъ розвыватися. Чоловѣкъ мае свої людскѣ потребы зовсѣмъ ишѣ, якъ мае ихъ маржина, и на сѣ потребы треба при выхованю дѣтины оглядатися, ихъ респектовати, и ихъ заспокоювати, а сего при свободной маржинскоѣ любви не можливо здѣлати поза межами одного, нерозривного супружества! Чоловѣкъ потребує выхованя индивидуального,

окремого; выхованя чередою нѣколи не осяgne цѣли здорового выхованя! Свободна любовь зъ тымъ всѣмъ что за нею слѣдуе, копає гробъ и веде въ пропасть не лишь одиницѣ але и весь загалъ. „Не чужсоложъ!“ се одень изъ основныхъ параграфовъ природного и позитивного Божого Закона, якій обезпечує и боронить самыхъ фундаментовъ публичного гаразду.

Рецепта ваша на безкарное убиваня дѣтины передъ еѣ народженіемъ е и безглуздна и нелюдска и жестока. Выразный розказъ Божій „Не убий!“ забезпечує житя чоловѣка не лишь по народженю, але уже одѣ первого моменту его зачатя. Людскій организми, хотя еще якъ косичка (квѣточка) невидимый и нерозвиненый, не менше має право до истнованя и свободного розвою, якъ и сей, который вже народився и розвинувся! Зъ хвилею свого зачатя має чоловѣкъ повне право, абы его трактовали такъ якъ и другихъ, навѣть нерозвиненый пупинокъ (квѣточка) людскаго организму больше мусить быти хороненый, бо знаходиться еще въ сякомъ станѣ, въ якомъ самъ не годенъ боронитися передъ напастникомъ, который загрожує его житю и истнованю. Якже вы, премудра товаришко, не ганьбите ся явно захвалювати се, что грѣшное, что выразно забороненое Божю заповѣдею?!

Та вашъ проектъ не лишь безбожный, грѣшный, але и *абсурдный, дурный!* Если свободно матери, абы ухилилася передъ тягаромъ и журбою при выхованю численныхъ, народженыхъ вже дѣтей, переривати житя ненародженої еще дѣтины, то ровнымъ правомъ мусите послѣдовно признати, что мати може свободно забити, задуслити ци пакъ отравити дѣтину вже нарожену, абы позбутися журы и тягару выхованя. Ровнымъ правомъ дѣти можуть усувати изъ свѣта свого няня ци маму, коли они стали для ныхъ тягаромъ наслѣдкомъ вѣку або недуги.

Братъ брата, сестра сестру, сусѣдъ сусѣда и каждый чоловѣкъ всякого, кто ему на завадѣ, може свободно позбутися по вашой рецептѣ. Ось до чого дойшлиste! Что забезпечить *ваше власне життя и здоровля*, шановна товаришко после? Якъ свободно забити ненародженого чоловѣка, бо онъ менѣ тягаромъ, то боятися и вамъ треба кульки, ножа, ци пакъ солодкої отравы, бо може и вы, после товаришко якой своей товаришцѣ на завадѣ есте!

Выдите якъ изъ поставленої вами засады пливе одна глупость за другою, одна дурнѣйша одѣ другої!

Повиннѣ бы вы, честна товаришко зподъ червеного прапора, тямити про се, что народъ тымъ красше стоить, чимъ у него больше красныхъ, здоровыхъ, благородныхъ характеровъ. Характеры же куються и гартуются не розвязлостю и злочиномъ, але молотомъ *самоперемоги и самоотверження*. Самопоконаня, перемога самою себе се основна, се перша засада людскаго а не маржинскаго выхованя! Безъ неї никто не буде сильнымъ, шляхотнымъ, здоровымъ, краснымъ характеромъ! Пускати волю плотскимъ похотямъ, не умѣти собѣ розказати, для ухиленя передъ невыгодою метатися на житя невинної, безпомочної дѣтины се ачей не ознака красного, зане-

слого характеру, але звычайного собѣ лиходѣя. И буржуй и пролетаръ и мужъ и жона о столько достойнѣ зватися людьми, о сколько у него изъ сеѧ здоровоѣ характерности. Безъ неї онъ есть и буде всегда закалою всего народа и людства! „Кто хочетъ за мною ити, най переможе себѣ!“ — такъ кличе найкрасшій на земли, чистый якъ слеза характеръ, Богочоловъкъ, Іисусъ Христосъ.

Отвергли вы, товаришко после, вѣру въ Бога и здолтали найвысшій Божій авторитетъ и законъ, тому то въ вашої головѣ безвѣрной и примховатому сердцу зродилися идеи и засады, якихъ каждый розумный и честный чоловѣкъ мусить ганьбитися. Шукаючи нѣбыто добра людей, даете имъ въ руки самовбийчое оружіе. Вертайте прото чимскорше до Бога и его авторитету и держѣться его святого слова, а се васъ поднесе, ублагороднить, ущасливить — и спасе!

[Правдолюбъ].

ІЗЪ СВѢТА И ЦЕРКВИ

Всѣ подъ прапоръ св. Іосафата.

Поодинокъ народы живуть не лишь теперѣшностю, але и минувшиною. Исторія, традиція, житье въ минувшихъ столѣтіяхъ суть для народа тымъ, чимъ корѣнь для деревини. Перетни звязь зъ коренемъ, а дерево загине, пропаде. Такъ загибае народъ, котрый не черпає животныхъ силъ изъ своего давно минувшого. Честовати свою исторію, традицію, цѣнити и славити своихъ вызначныхъ предковъ се запорука будучого народного розвою. Если кто хоче зробити якийсь народъ погноемъ для его сусѣдовъ, такъ высмѣвае его минувшое, допче ногами его традицію, обкидае болотомъ его вызначныхъ мужовъ, въ слѣдъ за тымъ иде маловаженя свого родного, на свое власное забываesя, а то и ганьбитися его, чужое зачинае смаковати, чужимъ п්‍රямъ почнеся прикрывати и сякъ народъ загибае, пропадае, а сусѣды его животными соками богатѣютъ, ростуть. Се на жаль треба сказати и про нашъ руський народъ. Сусѣды, котримъ иде о нашу загибелъ изъ давенъ давна намагалися перетяти звязь нашу зъ коренемъ нашимъ народнымъ, зъ нашою славною минувшиною, абы сякъ уничтожити насъ подъ взглядомъ національнимъ, культурнымъ и религійнымъ, одтягнути насъ отъ здорового родного корма, а заманити насъ до своего, чужого намъ корыта. Наше родное, се они безчестять, зогиджуютъ и понижаютъ, свое же выхвалюють и до небесъ подносять. Се дѣся на всѣхъ областяхъ нашего життя, се выступае ясно и у житту нашомъ религійномъ и церковномъ. — Если отже не хочеме быти поживою для завистныхъ намъ сусѣдовъ, если желаеме розвивати Богомъ небеснымъ намъ данѣ дары и ними самъ богатѣти, бережѣмъ звязь зъ нашою славною минувшиною, цѣнѣмъ нашихъ славныхъ предковъ-геройовъ!

До найславнѣйшихъ сыновъ русскаго народа, котрѣ выросли на нивѣ нашей церковной, належить безспорочно нашъ св. Священномученикъ Іосафатъ. Онъ кровь изъ крови нашоѣ, онъ кость изъ кости нашої. Всѣ святѣ Христовоѣ Церкви намъ близькѣ и дороги, та никто намъ не есть такъ близкимъ и такъ милимъ, якъ св. Іосафатъ. Изъ русскаго народа зродився, межи рускимъ народомъ правдовавъ, въ нашомъ рускомъ обрядѣ освятився, нашимъ богослуженіемъ Бога прославлявъ, за благо нашего русскаго народа мученичу смерть перетерпѣвъ...

На жаль непріятель нашъ хотять насъ одѣ нашего святого одорвати, его обмѣтують клеветами и святое его дѣло безчестять и на смѣхъ выставляютъ.

Хосеннымъ отже буде для насъ, упознати близше нашего русскаго святого, его чести боронити и святымъ его дѣломъ живо заинтересоватися.

12. новембра 1623. р. се день на вѣки памятный въ исторіи нашої Церкви. Его зъ рока на рокъ належить одсвѣжовати и обновляти. Въ томъ бо дни св. нашъ Іосафатъ, архіепископъ Полоцкій, мученикою смертю изъ рукъ отступниковъ-схизматиковъ, котрѣ славили себе „православными“, завершивъ свой, повный подвиговъ, дочасный жнвотъ.

Кто бывъ св. Іосафатъ? — Что здѣлавъ и за что поклавъ свою голову? Отсе вопросы, на котрѣ сегодня коротко даме отвѣта.

1. Св. Іосафатъ бывъ сыномъ русскихъ родичей Гаврила и Марини Кунцевичовъ. Родився 1580 р. у рускомъ городѣ Володимирѣ Волынскомъ. Имя на свѣтѣ было ему Иванъ. — Про сего святого треба сказать, что бывъ онъ мужемъ Божого Провидѣнія. Г. Богъ выбравъ его на подвижника, обронця и обновителя нашої рускѹ, нещасною схизмою пораненоѣ, Церкви. — Одѣ молодыхъ лѣтъ одзначався малый Иванко быстрымъ умомъ, простымъ сердцемъ и нѣжною богобойностю. Передовсѣмъ дуже ему любилося наше красное церковное богослуженіе. Кончити Утреню, Службу Божу, Вечерню и другѣ отправы было роскошью для его богобойного сердця. Задля худобства своихъ родичовъ не годенъ бывъ ходити до высшихъ школъ. По сконченю народної школы, отдавъ его нянько до Вильна до одного купца на практику. Весь свободный часъ посвячивавъ ревный молодецъ молитвѣ, церковному богослуженію и чтаню побожныхъ книжокъ. Невинное свое сердце варовавъ передъ еретицкимъ и схизматицкимъ куколемъ, который въ томъ часѣ въ Вильнѣ насывали Божѣ вороги. Въ купецтвѣ одначе не знайшовъ нашъ Иванко задоволеня и спокою. Г. Богъ призначивъ его и кликавъ до чогось красшого. 1604. року одрекається молодый Иванъ свѣта и всѣхъ его принадѣль, вступає въ монастырь Василіянскій св. Тройцѣ у Вильнѣ и тамъ черезъ довгѣ лѣта попри горячу молитву и подиву достойнѣ покуты (бичованя ажъ до крови, посты, ночнѣ бдѣнія), отдаєся чтаню богословскихъ книгъ и зъ нихъ зачерпue такого знаня Божихъ правдъ и Божихъ путей, что и ученѣ мудрецѣ не могутъ ему опертися.

Слава про незвычайну его святость рознеслася скоро по всѣхъ

усюдахъ. Извъ всѣхъ сторонъ почали сходитися богоубойнъ молодцѣ и просилися до монастыря. Число монаховъ въ монастырѣ Пресв. Тройцѣ зростало майже зъ дня на день особливо одъ того часу, якъ св. Іосафатъ (такое было его монашое имя) стався священникомъ. Было се 1609 рока. Саме тогды шалѣла агитація схизматицка, якъ одъ колькохъ лѣтъ на нашей Подкарпатской Руси. Святый Іосафатъ, котрый не лишь читавъ у символѣ вѣры слова: „Бѣркю во єдинѣ, святыю, соборию (каѳолическую) й апостольскую Церковь“, але и розумѣвъ добре, что единоспасительна Церковь с лишь ся, въ котрой св. Петро Апостолъ розказує и управляетъ черезъ своихъ наслѣдниковъ римскихъ Паповъ, не только самъ непохитно держався сеѧ святої правды вѣры нашої, але и братовъ своихъ Русиновъ намагався всѣми способами (проповѣдію, у сповѣдяхъ, добрыми книжками и розмовами) укрѣпiti и утвердити во сей святой правдѣ.

2. Св. Іосафатъ не только яко священникъ, але и яко архимандритъ (1614 р.) цѣлый oddався працѣ надъ укрѣпленемъ св. єдности (унії) руського народа зъ единою, святою, соборною и апостольскою Церквою и надъ вырываньемъ куколю роздора и схизмы. Его проповѣди повнѣ силы, подкрѣпленѣ святостю его житя, такъ сильно дѣйствовали на людей, что збаламученѣ одступники громадно наверталися до св. каѳолическої, единої правдивої Церкви. Схизматики за се назвали св. Іосафата „душехватомъ“.

3. Одначе въ мѣру того, якъ больше душъ приставало и присоединялося до правдивого Христового стада, св. каѳолическої Церкви, росла тоже и ненависть и злоба закаменѣлыхъ и заслѣпленихъ схизматицкихъ агитаторовъ противъ св. Іосафата. Они видѣли, что якъ довго буде жити и дѣйствовать межи руськимъ народомъ св. Іосафатъ, доти пекельна робота не буде мати успѣховъ. Длятого не только обкидали его болотомъ низькихъ клеветь и зневагъ, але постановили згладити изъ свѣта. Вступаючи у слѣды злобныхъ фарисейовъ, котрѣ вороговали и забили Божого Сына, подбурили схизматиць проводирѣ людей и въ недѣлю по Утрени дня 12. новембра замучили св. Іосафата. Было се 1623 року въ городѣ Витебску.

Сейчасъ такой по смерти дѣялися многѣ чуда при мощахъ св. Іосафата. Богъ небесный не лишь прославивъ его мученичимъ вѣнцемъ у славѣ небесной, но и туй на землѣ святое его тѣло цѣль вѣки осталося нетлѣннимъ. Множество чудесъ сповненыхъ черезъ заступництво св. Іосафата были причиною, что Апостольска Столиця прослѣдивши пильно святое его жите, оголосила его напередъ блаженнымъ, а потомъ и святымъ, поручаючи цѣлой Церкви отдавати публичну честь св. Іосафатови и оголошуочи его Апостоломъ и Покровителемъ св. єдности (унії). Московскѣ схизматики изъ слѣпоѣ ненависти до св. единої, соборної (каѳолическої) и апостольскої Церкви и великого подвижника св. єдности (унії) зневажили мощѣ св. Іосафата, звергли ихъ изъ престола, на котромъ были почитанѣ и закопали ихъ въ подземной печерѣ подъ монастырскою церквою въ Бѣлой коло Берестя Литовського. Въ часѣ свѣтової вѣйни 1917 р. Богъ небесный помогъ отнайти щасливо мощѣ св. Іосафата. Ихъ

перевезли до Вѣдня и тамъ они теперь лежать на бочномъ престолѣ въ нашей русской Церкви св. Варвары. — Чей дастъ Богъ, что сей св. Апостолъ унївъ вернеся знова на освобожену руську землю и попровадить насъ до борбы зъ нещасною погубною схизмою.

Но заки се станеся мы, сыны и дочки руського народа, горнемся подъ прапоръ св. Іосафата, нашего руського святого, его чести передъ напастниками боронемъ, его святого дѣла св. единости крѣпко держемся, и св. нашего Апостола и Покровителя просимъ, чтобы не стало межи нами роздора и схизмы, але абы чѣмъ скорше было: „Одно стадо й однѣ пастирки“. [С.]

* * *

Кто хоче больше знати про нашего руського св. Іосафата, най прочитає собѣ книжку п. з.: „Житье св. Священомученика Іосафата“. Можна купити єъ у Видавництвѣ Чина св. Василія Великого въ Ужгородѣ, Раковци ул. 54.

Тerezія Неуманова, котра на своеі тѣлѣ носить раны Іисуса Христа.

„Іко велий еси ты Господи и твоемъ чудеса! Казавъ псалмистъ еще въ старомъ Завѣтѣ про Бога. И дѣйстно! Въ нынѣшномъ свѣтѣ мало одчужилися люди одъ вѣры; культура зробила такъ великъ и значнѣ поступы, что увага людей одверталася одъ рѣчей Божихъ и дивилася лише на творы людей. Але Богъ не лишить своихъ! Часомъ загостить до людей своею сильною рукою и робить чрезвычайнѣ дѣла, чтобы люди очнулися и зновъ привернулися до Бога, и до его св. вѣры. Такимъ Божимъ дѣломъ маеме считати то чудесное явленіе, что случилося не далеко одъ границъ нашої Республики въ Баваріи (Нѣмеччина) въ селѣ Konnersreuth.

Житье Тerezії.

Тerezія Найманова (30 лѣтна) е донькою простыхъ родичей; єъ отець кравець, кто має окремъ Тerezіѣ еще девять дѣтей. Всѣ здоровѣ, працьовитѣ и побожнѣ. Але головно Тerezія. Она коли лишь свободный часъ мала, перебывала въ церкви, молилася и середъ роботы, але головно богато розмышляла про страсти и муки Спасителя. Звычайна сѣльска дѣвчина, але побожна.

Дня 10 го марта 1918 въ хижѣ, где она служила выбухъ огень: Тerezія много працьовала при гашеню огня и видно перетяжилася роботою, такъ что мусѣла лягити до постели. Поносовалося на хребеть. Въ сей хворотѣ лежала она за 7 роковъ. Мала страшнѣ муки, корчи мучили єъ, лѣва нога цѣлкомъ покривилася, одъ довгого лежаня, на тѣлѣ збилися раны, лѣкарѣ все можливе здѣлали, але годъ.

Сякъ она бѣдовала до 17-го мая 1927 р., до дня выголошеня св. Тerezії святою. Сего дня появилося Тerezіѣ великое свѣтло.

Ничъ иное, лише сильное свѣтло. Се свѣтло Ѹмить еѣ праву руку и подойме. И Терезія, котра за 7 роковъ не могла зойти зъ постели, почне ходити. Хребеть еще дуже болить, але уже годна ходити. А свѣтло каже: „Черезъ страданя ужс о много больше душъ стали спасенными, якъ черезъ найкрасшѣ бесѣды. Се е уже написано навпередъ“. Кто се написавъ и где? Духовникъ того села пригадовавъ собѣ, что тыми днями давъ ей жителись св. Терезіѣ зъ Лизіевъ; и се речения тамъ было написано одь слова на слово. Терезія одь того часу почала ходити и еѣ великѣ раны наразъ щезли.

Окремъ сеъ хвороты Терезія мѣсяця марта 1919 цѣлкомъ ослѣпла; за 4 роки и 1 мѣсяцъ держалася слѣпота. 29-го апрѣля 1923 нагло получила назадъ зоръ очей. Дня 7-го новембра 1925. достала запаленя слѣпоѣ кишки, что причинило ей величезнѣ болѣ „Хвора — якъ мѣстный духовникъ оповѣдае — кидалася на постели, якъ червакъ“. Др. Seidl лѣкарь въ Waldsass є хотѣвъ еѣ заразъ пооперовати бо кишка вже майже цѣлкомъ розгнила. Молитва до св. Терезії нагло выратовала еѣ изъ сеъ небезпеки. Лѣкарь признався, что такого выпадку въ своеимъ житю не видѣвъ.

Одь года 1922 ніякоѣ твердоѣ стравы не ѻла, лише напой: мало воды, кавы и пр. Навѣть одь Роздва 1926 ніякоѣ стравы не бере до себе. Одинокою еѣ ѻдою е св. причастя кождоденное. Мимо сего не чуе голоду ніякого, добре себе чувствує, працює пильно и вага тѣла нормальна (55 кг.).

Раны Христа.

Года 1926-го великое диво! На вел. Пятницю утямила, что изъ ребра кровь цяпкае. Подивиться и видить, что надъ сердцемъ е велика рана на $3\frac{1}{2}$ см. По полудню появилися раны на ногахъ и на рукахъ. Сѣ раны свѣжѣ были еще за 14 дней и кровь текла изъ нихъ. Родичѣ и лѣкарѣ все возможное здѣлали, ѩоби загоити сѣ раны. Але даремно!

Одь того часа Терезія Найманова кождоѣ пятницѣ пережие муки и страсти Іисуса Христа. Въ четверъ точно о год. 12-ой начинається страдрніе. Терезія лежить на постели такъ, что высша часть тѣла мало поднята, на лицѣ вѣразъ страшныхъ мукъ, изъ пять ранъ постоянно капає кровь.... По пол. о год. 3 ой така якъ мертвa. Тогда змываютъ кровь а она спокойно спить до рана. Въ суботу рано стане. робить цѣлый день и ничего презвычайного не е до слѣдуюочѣ пятницѣ.... Тогда зновъ починається одь переду.

На тѣ дѣла, что въ такомъ станѣ видить лишь тяжко памятаe. Видить крестъ Христа, который стоитъ зъ одного довшого дерева и изъ одного меншого, котрѣ суть повязанѣ; видить хижи здалеку, котрѣ верха не мають, чує слова, что добре розумѣe. Одинъ професоръ университету Wurz повторительно сказавъ передъ нею неправильнѣ речения по арменски и позвѣдався ци такъ казавъ Христосъ? Терезія не знала исправити, але сказала, что не добре. Доти мавъ професоръ повторяти слова, доки Терезія не успокоилася. Професоръ заявивъ, что

Терезія одгадала то, что было сказано правильно и что въ семъ давномъ языку она такъ обзнакомлена, что знае навѣть всѣ его нарѣчія. Иэъ географіѣ майже ничего не знае, але мѣста св. землѣ превосходно познае. Восемъ лѣкаровъ оглянули и студіовали Терезію, але природными силами не могли розвязати тайну 5 ранъ Христовыхъ.

(Продовженя слѣдує).

НОВОСТИ

Епископска конфередія буде початкомъ мѣсяця новембра въ Львовѣ подъ проводомъ метр. Шептицкого. Участъ беруть всѣ епископы гр.-кає. русъкъ. Такъ и мукачевскій, пряшевскій и америцкій епископы. — Головнымъ предметомъ нарадъ буде борьба противъ новѣйшихъ еретиковъ.

На праздникъ Христа Царя въ Ужгородѣ было великое торжество. Св. Службу Б. кончивъ Преосв. Петро еписк. по службѣ бывъ обходъ черезъ улицѣ Ужгорода въедно зъ рим.-кає. вѣрниками. Еще такого великого походу въ Ужгородѣ не было; приблизно 15.000 людей, котрѣ демонстровали коло Христа Царя. Попередно черезъ цѣлу ноч было умоленіе Н. Даровъ въ церкви.

Дня 17. окт. были загальни зборы епархіяльныхъ товариствъ подъ проводомъ Преосв. епископа. Говорилося про углубленя духовного житя Подк. Русиновъ. Зойшлися священики, въ сердца которыхъ горить огень любви до спасеня душъ людскихъ. Треба бы зробити больше такихъ з'ездовъ, чтобы вымѣнять добре думки и взаємно заохотитися до працъ ратуючої. Богорить всягде! Жатва велика, а роботниковъ мало!

Крадуть шизматики. Пишуть до редакції, что въ Гукливомъ

шизматики такъ обкрали фарскій садъ, что изъ 1000 килогр. овочей не зостали лише пару яблокъ на деревахъ. Найшовся одень честный чоловѣкъ въ селѣ, кто поднявъ свое слово противъ сей крадежи. А шизматики якъ помстилися за се? Такъ, что наяли людей, котрѣ вечерами подъ окномъ того честного чоловѣка всякѣ безвстыднѣ, паскуднѣ спѣванки спѣваютъ. Читайте христіяне и судьте вы самъ про нихъ...

Молодий намѣстникъ. Преос. Епископъ назначивъ ревного священика нашоѣ епархіѣ, Ивана Крафчика дѣловедучимъ намѣстникомъ Бодзашуйлакъ-скаго округа. И. Крафчикъ вызначився, якъ ревный душпаstryрь, добрый организаторъ и вызначный бесѣдникъ. Его село есть одnymъ изъ тихъ, въ которыхъ Благовѣстникъ найбольше предплатниковъ має. Изъ широго сердца благожелаеме ему. — На многъ лѣта.

Въ Гукливомъ. Шизматики яговарилися, чтобы знищити честь нашего ревного вѣрника Мих. Коцика и завдили до суду, ~~что онъ~~ передъ бѣти роками взявъ изъ почтового уряду въ Воловци чужихъ грошей 1000 Кч. Дня 20. септ. была въ томъ дѣлѣ розправа и судъ М. Коцика уволь-

нивъ одъ всякоѣ вины и кары. Се опубликуеме, чтобы свѣтъ видѣвъ, якими средствами воюють шизматики. Щиро радуемся тому, что шизматикамъ не удалось очернити честь нашего ревного вѣрника! Ба ци выложитъ се Русская Земля?!

Одпустъ въ Клучаркахъ. Дуже красный праздникъ одбывся въ день Покрова Пресв. Дѣви Марії. Добрѣ ключарскѣ вѣрники своимъ жертволовобіемъ могли бы послужити примѣромъ для многихъ другихъ. Не жаловано ніякихъ трудовъ и жертвъ, чтобы могли для своего молоденького общества поставить свою

каплицю. Дня 14-го октября въ высше помянутый день панъ намѣстникъ Шуба Михаилъ изъ навлащенія Его Преосвященства посвятивъ красну каплицю въ честь Сладчайшого Сердця Іисуса Христа въ сопровадженію красной проповѣди. Нова каплиця зо своимъ престольнымъ образомъ Сладчайшого Сердца Спасителя при входѣ до церкви повлѣяе на входячого необыкновенно. Честь добрымъ ключарскимъ вѣрникамъ! При слушаю посвященія причащалися всѣ члены общества, въ числѣ около 50.

Притомный.

Короткѣ вѣсти.

— Въ Нѣмеччинѣ до 1. юлія 1927 одбылося 198 реколекцій для священиковъ; міссій: 308 для мужчинъ и 750 для женщинъ. (А у насъ ?!) — Минувшого року въ Лурдѣ было 278.000 паломниковъ. — Въ Франції есть 36 тысячи фаръ изъ нихъ 12 тысячи не мають духовника! — Листу хр.-нар. партії завдали у насъ лише въ 23 селахъ. Се е свѣдоцтво худобности односно свѣдомости нашихъ христіянъ.

Кто еще не заплативъ за „Благовѣстникъ“, нехай сейчасъ заплатить. Никто не може жадати, чтобы мы ему новинку задаръ посылали. Въ попередномъ числѣ мы каждому предплатникови выписали на адресъ сколько онъ довженъ и каждому послали чекъ. А до днесъ лемъ дакто-дакто сповнивъ свою повинность. Отже дуже просимо не одкладати, але чимъ скорше гроши присылати.

Администрація „Благовѣстника“ въ Ужгородѣ.

Съ найглубшимъ почтюмъ благодарности и ничтожности, сесимъ складаю найгорячайшу подяку улюбленному и ласкавому Г. Іисусу Христу, моимъ небеснымъ заступникамъ: Пр. Дѣвѣ Марії св. Іосифови, св. Николаю, св. Тerezії за одержаніе многихъ ласкъ.

Недостойный слуга Божій:
о. Василій Ляховичъ, парохъ.

БЛАГОДАРЕНИЕ.

Съ найглубшимъ почтюмъ благодарности и ничтожности, сесимъ складаю найгорячайшу подяку улюбленному и ласкавому Г. Іисусу Христу, моимъ небеснымъ заступникамъ: Пр. Дѣвѣ Марії св. Іосифови, св. Николаю, св. Тerezії за одержаніе многихъ ласкъ.

Баньске, Х. 5. 1927.

ПЕРЕПИСКА РЕДАКЦІЇ И АДМИНИСТРАЦІЇ.

Василій Суханъ, Воловица. Сякоѣ Библіѣ у насъ не е и не знаєме, где можна бы еѣ купити.

Іванъ Свереякъ, Т. Крива. 20 Кч получилисме. Остає до ласкавоѣ заплаты еще 16 Кч.

Іванъ Тидиръ Василівъ, Шербовецъ. 11. марта 1927 року заславъ намъ грошъ Василь Тидиръ Лагейтичинъ изъ Шербовца; не знаєме ци сѣ грошъ одъ Васъ ци нѣть. Повѣдомѣть насъ.

За благословенiemъ Епархіального Правительства Мукачевскою.